

**AWIG – AWIG
DESA ADAT BALE AGUNG
KERAMBITAN
(EDISI REVISI)**



**Kasusun Oleh :
Tim Revisi Awig**

**PEMERINTAH KABUPATEN TABANAN
KECAMATAN KERAMBITAN
DESA ADAT BALE AGUNG KERAMBITAN
2017**

LOGO DESA ADAT BALE AGUNG KERAMBITAN



MURDHA-CITTA

Om Swastyastu, Om Awighnamastu Narna Siddham,

Malarapan antuk pangastiti lan bakti, Ida Sang Hyang Widhi Wasa ledang asungkerta wara nugraha ngawentenang kauripan sekala lan niskala ring Bhuwana Agung lan Bhuwana Alit. Bhuwana Alit paragayang Krama Desane soang-soang sane patut dudonan mangda ngamolihang kasukertan. Desane sane mapawakan Bhuwana Agung, maraga genah pasayuban para Krama Desane lan sakancan sane maurip manut ring Tri Hita Karana sane kepah dados 3 (tiga) ingggih punika:

- ha. Parahyangan, penyiwian Krama Desa genah ngarcana Ida Hyang Parama Kawi maka sukman desane.
- na. Pawongan, krama desa sami mapawakan tri pramana, nudonang mangda sida ngamolihang trepti lan jagathitha.
- ca. Palemahan, wewidangan krama desane sane kaanggen nitenin kauripan.

Mangda adung patemon Bhuwana Agung lan Bhuwana Alit taler mangda Krama Desane prasida ngamolihang sane kabawos trepti lan jagathitha, patut wenten Awig-awig Desa Adat sane kanggen sepat siku-siku nitenin sahananing parikrama ring kauripan. Taler sapasira ugi sane wenten ring wewidangan Desa Adat Bale Agung Kerambitan patut satinut ring Awig-awig Desa Adat Bale Agung Kerambitan.

Asapunika Awig-awig puniki katetes saking uger-uger Agama Hindu, miwah Dresta kauripan sane langkung sane sampun pastika becik kanggen nitenin kauripan sane jagi rawuh mangda prasida rahayu-rahajeng.

Om, Santih, Santih, Santih, Om.

Kerambitan, Januari 2015
Tim Revisi Awig

PIDAGING CAKEPAN

AWIG AWIG	i
LOGO	ii
MURDHA-CITTA	iii
PIDAGING CAKEPAN	iv
PRAMATA SARGAH	1
ARAN LAN WEWIDANGAN DESA.....	1
Pawos 1.....	1
Pawos 2	1
Pawos 3	1
DWITIYA SARGAH	2
PATITIS LAN PAMIKUKUH	2
Pawos 4.....	2
Pawos 5	2
TRITIYA SARGAH	3
SUKERTA TATA PAKRAMAN	3
Palet 1 Indik Krama	3
Pawos 6.....	3
Pawos 7.....	3
Pawos 8 ngawit dados krama Desa	3
Pawos 9 Tetegenan miwah Swadharma Krama Desa Adat	4
Pawos 10 Swadharmaning Krama Desa/Banjar Adat miwah Tamiu	4
Pawos 11 Olih-Olihan Krama Desa / Banjar Adat	5
Pawos 12	6
Palet 2 Indik Prajuru	6
Pawos 13.....	6
Pawos 14	7
Pawos 15	7
Pawos 16	8
Palet 3 Indik Paruman	8
Pawos 17 Luiring Paruman	8
Pawos 18 Tataning Paruman	9
Pawos 19 Paruman Prajuru	9
Palet 4 Indik Kulkul	10
Pawos 20 Tepakan Kulkul	10
Palet 5 Indik Druwen Desa	10
Pawos 21 Padruwen Desa/Palaba.....	10
Palet 6 Indik Sukerta Pamitegep	11
Kaping 1 karang	11
Pawos 22 Karang pumahan	11
Kaping 2 Tata Nyulurang Karang	12

Pawos 23 tata nyulurang karang	12
Pawos 24 ngletehin karang	12
Pawos 25 ngentasan sawa	12
Pawos 26 Padem Ring Pekarangan Anak Lian	13
Kaping 3 Wewalungan	13
Pawos 27 Nyulurang Wewalungan	13
Pawos 28 Wewalungan Ngeleb Paplunggugan	14
Kaping 4 Dusta Miwah Baya	14
Pawos 29 Dusta	14
Pawos 30 Baya	14
Pawos 31 Tataning Maseserep	14
Kaping 5 Panyanggran Desa/Banjar Adat	15
Pawos 32 Tataning Nyanggra	15
CATURMA SARGAH	16
SUKERTA TATA AGAMA	16
Palet 1 Indik Dewa Yadnya.....	16
Pawos 33	16
Pawos 34 Pemangku , Juru Sunggi, Srati Banten , Sutri	17
Pawos 35 Swadharman Pemangku/Panyade, juru Sunggi	17
Pawos 36 Olih-Olihan Pemangku, Juru Sunggi, Srati lan Sutri	18
Pawos 37 Kasurkertan Kahyangan	18
Pawos 38.....	19
Palet 2 Indik Rsi Yadnya.....	20
Pawos 39 Mapudgala	20
Pawos 40 Nitenin Sang Sampun Mapudgala	20
Pawos 41 Nitenin Pamargin Yadnya.....	20
Pawos 42 Muput Yadnya	21
Palet 3 indik pitra yadnya	21
Pawos 43 kelayuan	21
Pawos 44 Tunon / Setra , Miwah Atiwa-Tiwa	21
Pawos 45 Nyulurang Mendem / Ngeseng Sawa.....	22
Pawos 46 Dewasa Atiwa-tiwa (Ngeseng Sawa / Ngaben)	22
Pawos 47 Upakara lan Nyanggra Atiwa-tiwa / Ngaben	23
Pawos 48 Pananjung Batu	23
Palet 4 Indik Manusa Yadnya	23
Pawos 49	23
Palet 5 Indik Bhuta Yadnya	24
Pawos 50	24
Pawos 51 Upacara Tawur	24
Pawos 52.....	24
PANCAMAS SARGAH	26
SUKERTA TATA PAWONGAN	26

Palet 1 Indik Pawiwahan	26
Pawos 53	26
Pawos 54 Puput Manggeh/Sah Alaki Rabi.....	26
Pawos 55 Ngrorod/Ngrangkat	26
Pawos 36 Netes	27
Palet 2 Indik Palas Merabi	27
Pawos 57	27
Palet 3 Indik Sentana	28
Pawos 58 Pamerasan Sentana	28
Pawos 59 Sulus Treptining Pawongan, Ngembasang Rare.....	28
Palet 4 Indik Warisan	29
Pawos 60	29
SADTAS SARGAH	30
WICARA LAN PAMINDANDA	30
Palet 1 Indik Wicara	30
Pawos 61 Sulus Wicara	30
Pawos 63 Mamutus Wicara	30
Palet 2 Indik Pamindanda	31
Pawos 64 Niwakang Pamindanda	31
Pawos 65 ngrampag.....	31
Pawos 66 Nyulurang Indik Ngrampag	32
Pawos 67 Wenang Tan Wenang Karampag	32
SAPTAMAS SARGAH.....	33
NGUWAH-NGUWUHIN AWIG-AWIG	33
Pawos 68	33
Pawos 69	33
ASTAMAS SARGAH	34
PEMUPUT	34
Pawos 70	34
Pawos 71	34
Pawos 72	34
LEPITAN	35

PRATAMA SARGAH
ARAN LAN WEWIDANGAN DESA

Pawos 1

1. Desa Adat niki mawasta: Desa Adat Bale Agung Kerambitan
2. Jimbar kakuwub wewidangan Desa Adat Bale Agung Kerambitan mawates nyatur:
ha. Sisi Wetan/Purwa: Tukad Abe;
na. Sisi Kidul/Daksina: Wates Sisi Kelod Subak Dalem;
ca. Sisi Kulon/Pascima: Tukad Ha, Banjar Mudukcatu, Tukad Lating;
ra. Sisi Lor/Uttara: Wates sisi Kaja Subak Mumbu, Tukad Lating.
3. Wewedangan palemahan Desa Adat Bale Agung Kerambitan kepah dados 4 (petang) Banjar Adat luire:
ha. Banjar Adat Kukuh;
na. Banjar Adat Baturiti;
ca. Banjar Adat Tengah;
ra. Banjar Adat Wani
4. Soang-soang Banjar Adat madrebe banjar suka-duka.
5. Desa Adat Bale Agung Kerambitan madruwe piranti-piranti marupa Bale Desa miwah Bale Kulkul

Pawos 2

1. Manut Tri Lingganing Desa, kakuwub wewidangan Desa Adat Bale Agung Kerambitan kepah dados 3 (tigang) mandala luire:
ha. Utama mandala makadi Parahyangan Desa;
na. Madya mandala makadi paundukan karang pumahan lan telajakan desa;
ca. Nista mandala makadi Setra Desa miwah palemahannya.
2. Wates palemahan Banjar Adat;
ha. Kamanggehang antuk paruman Desa/Banjar Adat;
na. Wenang kauwah anut ngunjuk lungsuringcacah jiwa antuk parareme;
ca. Anut pararem desa punika wenang kepah dados makudang-kudang banjar miwah arahan/kempelan manut kabuatan Desa.

Pawos 3

1. Banjar Adat wenang ngardi pararem maka pamikukuhnyane.
2. Pararem Banjar Adat tan wenang lempas ring awig-awig miwah pararem Desa Adat, maka teher kalingga tanganin antuk Bandesa/Kelian Banjar Adat pamikukuh dumogi sida lumaksana.
3. Sahanan arahan/kempelan tan wenang ngardi awig-awig, santukan arahan/kempelan punika mawak paham sinanggeh tangan-sukununing Desa/Banjar Adat.

**DWITIYA SARGAH
PATITIS LAN PAMIKUKUH**

Pawos 4

Desa Adat Bale Agung Kerambitan puniki ngemanggehan dasar:

ha. Pancasila makadi menggah ring Pembukaan Undang-Undang Dasar 1945;

na. Undang-Undang Dasar 1945, pamekas Pasal 18;

ca. Tri Hita Karana manut tatwaning Agama Hindu.

Pawos 5

Luir patitis Desa Adat Bale Agung Kerambitan:

ha. Mikukuhin miwah ngrajegang Sang Hyang Agama;

na. Nginggilang tata prawertine ma-Agama Hindu;

ca. Ngrajegang kasukertan Desa/Banjar Adat saha pawongannya sekala lan niskala.

TRITIYAN SARGAH SUKERTA TATA PAKRAMAN

Palet 1 Indik Krama

Pawos 6

1. Sane kabawos krama Desa/Banjar Adat inggih punika kulawarga sane ma-Agama Hindu, sampun jenek mapumahan ring sajeroning palemahan Desa Adat Bale Agung Kerambitan.
2. Sewosan ring punika sinanggeh krama tamiu.

Pawos 7

1. Krama Desa wenten kalih luire:
 - ha. Krama ngarep (panganceng);
 - na. Krama balu, krama adat manut angka (1) ring ajeng salah tinunggil lanangnyane utawi istrinyane lina utawi lampus utawi nyepihan.
2. Krama balu inucap kabinayang dados:
 - ha. Balu makerambian, inggih punika balu sane madue sentana dereng marabian.
 - na. Balu ngelisting, inggih punika balu sane tan wenten sentana.

Pawos 8

Ngawit dados Krama Desa

1. Mawiwit jumenek mapumahan wiadin ngrereh pangupajiwa ring sejeroning palemahan Desa Adat Bale Agung Kerambitan.
2. Malarapan antuk pawiwahan.
3. Kulawarga sane ma-Agama Hindu mawit saking krama desa sewosan patut ngeranjing makrama Desa/Banjar Adat prade pacang jenek mapumahan ring wewidangan sakuwuban Desa/Banjar Adat Bale Agung Kerambitan, tur patut naur pamogpog manut pararem.
4. Yan ten jenek mapumahan kadi ring ajeng wenang dados panumpang.
5. Sang ayat ngranjing tedun makrama Desa/Banjar Adat utawi numpang patut atur upeksa ring Kelian Banjar, genahe mapumahan utawi genahe numpang.
6. Sulur kalih tata cara ngranjing tedun makrama Desa/Banjar Adat utawi numpang, manut kadi pararem Desa/Banjar Adat.
7. Nyulurang tedun mekrama kalih ngetang rarobahan sahaning ayahan luire:
 - ha. Ngawitin ngetang nangken Buda Kliwon Pahang ayahan ngarep (panganceng);
 - na. Ngetang pramangkin, marep ayahan balu.
8. Nangken panumayan ngwentenang rarobahan inucap patut Kelian Desa/Banjar Adat Ngwantunin nyacah jiwa, ngetang kalih mastikayang pakraman miwah ayah-ayahan kadi ring wewidangan Desa/Banjar Adat.
9. Krama Desa/Banjar Adat yan sampun madrebe pratisentana sane sampun marabian/mapikuren luput saking ayahan muah pakenen-kenen desa, patut keni malih.

Pawos 3 Tetegenan miwah Swadharma Krama Desa Adat

Sahanan krama Desa/Banjar Adat keni ayah-ayahan mekadi ring sor:

1. Satunggil krama desa manut karendahan kulawargannya keni ayah-ayahan:
 - ha. pangayah marep (pangenceng);
 - na. pangayah balu.
2. Pangayah marep (pangenceng) wenang luput saking ayahan desa, yan sampunkapastika antuk pararem, luire:
 - ha. Sakit tahunan tan tinamban.
 - ha. Yusane sampun lingsir (70 tiban ngunggahan).
3. Ayahanbalu.

Ayah-ayahan balu luire:

 - ha. Balu remban, sane pianaknyane kantun alit-alit keni ayahan balu. Yen luh sanebalu, keni ayah-ayahan balu luh. Yen lanang sane balu, keni ayah-ayahan balulanang;
 - na. Balu putung, keni ayah-ayahan balu manut balunnya (yan lanang ayah lanang, yan luh ayah luh);
 - ca. Balu remban, luh wiadin muani yen madruwe pianak sampun truna (17 tibanngunggahan), keni ayah-ayahan sawungkul.
4. Paturunan utawi papeson krama Desa/Banjar Pakraman sajeroning ngulati kasukertanDesa/Banjar Adat kasulurang:
 - ha. Pangayah ngarep keni sawungkul;
 - na. Pangayah balu remban keni sawungkul;
 - ca. Pangayah balu putung keni apah-empatan.
5. Laluputan pankenen kasulurang tar kamanggehang:
 - ha. Prajuru adat luput saking urunan aci, nanging keni urunan wewangunan;
 - na. Pamangku, panyade, luput saking urunan aci miwah urunan wewangunan;
 - ca. Juru sunggi, srati, sutri, luput saking urunan aci, nanging keni urunanwewangunan. Pamastikan inucap manut pararem.

Pawos 10

Swadharmaning Krama Desa/Banjar Adat miwah Krama Tamu

1. Sahanan krama Desa/Banjar Adat patut:
 - ha. Dreda aturang ring Desa/Banjar Adat;
 - na. Tinut ring sadaging awig-awig, pararem pamutus-pamutus;
 - ca. Tatas ring kertin Desa/Banjar Adat.
2. KramaTamu
 - ha. Krama sane nampi tamu jantos makolem, patut masadok ring KelianDinas/Kelian Banjar Adat.

- na. Prade tamiune pacang madununganjantos langkungan ring sawuku, KelianBanjarPakraman patut natasang kabuatan miwah surat keterangan ipun.
- ca. Prade tamiune pacang madununganjantos sasihan utawi tahunan suennyane patutkaungguhang ring Ilikitan Desa, tur sang madunungan inucap patut sarengnedunin masuka-duka.
- ra. Yan tan tinut, sang inucap kadanda, agung alite manut pararem.
- 3. Ngrobang
Krama sane ngrobang utawi ngajak anak lian, siosan ring pakulawargane, upami:
ha. Ngajak wong duduk-dudukan;
na. Ngajak nyama sane mulih daha saking makurenan;
ca. Jadma masundulang dewek;
ra. Ngajak nyama sane mulih saking genahe karajegang sentana;
ka. Roang pastika jenek magenah;
da. Muah sane sewosan patut asadok ring Kelian Banjar Adat.
- 4. Pasadok ring ajeng kadulurin antuk katerangan pasti ngenenin linggih, artha-brana,tetegenan krama sang kaajak inucap.
- 5. Krama sane ngrobang patut nyumanggupang, negenang, lampah sang kaajak arepering sukretan Banjar Adat.
- 6. Kelian Banjar Adat ngenggahang pasadok punika ring ilikitannya, tur nyiarangring paruman Banjare.

Pawos 11

Olih-olihan Krama Desa/Banjar Adat

- 1. Sahanan krama Desa/Banjar Adat polih pasayuban/pangayoman manut dresta lan kawenangan indik:
ha. Sangskara kauripannya sane mabuat sane mastikayang paiketan saluirepakulawargannya;
na. Kasukertan miwah kasucian dewek, parhyangan miwah karang pumahnya soang-soang;
ca. Kasukertan padruwennya soang-soang.
- 2. Sahananing krama Desa/Banjar Adat rawuhing sang kasinanggeh tamiu wenangpolih pasayuban ngmanggehang kasukertan raga, agama, saha druwenya soang-soang.
- 3. Sajeroning ayah-ayah krama kasulurang:
ha. Dados kawakilan ring anak sewosan, sane sampun menek truna/daha (17 tibannunggahan).
na. Dados mapuangkid, prade wenten kabuatan-kabuatan luire:
 - 1) Keni dewaduhan saking guru wisesa.
 - 2) Kaluasan, ngwangun umah, sakaluire mayadnya lan kabuatan sewosan sanekasengker antuk dewasa.
 - 3) Kapiambang (sungkan, matepetin sakit, kecuntakan lan sakancannya).
- ca. Dados mogpog (ngampel) prade:

- 1) Dados pegawai pemerintahan.
- 2) Magingsir genah jenek, ngerereh pangupajiwa ring sewosan desa.
- 3) Kapastikayan cacah jiwa, pamekas indik pakraman miwah ayah-ayahkapikukuhang antuk pamutus paruman desane dumogi kengin laksanakan.
- 4) Kapastikayang inucap digelis kasuratan ring ilikita (buku panyacah krama).
- 5) Pamutus tata cara indik ngompog (ngampel) ayah-ayahan ring ajeng manutpararem.

Pawos 12

Wusan Makrama

1. Sinalih tunggil kulawarga wusan makrama Desa/Banjar Adat, yan pradekulawarga inucap:
 - ha. Kesah saking wewidangan Desa/Banjar Adat punika.
 - na. Wit piwal ring pararem krama Desa/Banjar Adat, utawi tan tinut ringpituduh prajuru, indik nyupat raga ngesehin prawreti .
 - ca. Katiwakin pamidanda anorayang olih Kelian Banjar Adat, kapikukuhin antukpararem Desa/Banjar Adat.
2. Sang katiwakin pamidandainucap, prade kukuh, jagi katur/kapiuning ring GuruWisesa.
3. Sang wusan makrama Desa/Banjar Adat tan wenten polih pahpahan sahananingdruwen Desa/Banjar Adat, makadi tanah setra, pura lan sane siosan.
4. Desa/Banjar Adat wusan maweh pasayuban kasukertan sakaluire marep ringsang kanorayang/kauwusang.
5. Sahananing indik uwusan rnakrama adat kaetang pramangkin.

Palet 2

Indik Prajuru

Pawos 13

1. Desa/Banjar Adat kaenterang olih Bandesa Adat/Kelian Banjar Adat.
2. Kempelan/Arahan kaenterang olih juru arah nunggal-nunggal.
3. Bandesa/Kelian Banjar Adat miwah juru arah kaadegang melarapan antukpamilihan antuk parumannya soang-soang.
4. Desa/Banjar Adat kaenterang olih Bandesa/Kelian Banjar Adat sahakasanggra olih prajuru luire:
 - ha. Panyarikan, pinakajuru surat;
 - na. Patengen, pinaka pangemongjinah miwah padrewen Desa/Banjar Adat;
 - ca. Patajuh, pinaka wakil Bandesa Adat;
 - ra. Kasinoman, pinakajuru gumencang;
 - ka. Juru arah, pinaka juru gumencang;
 - da. Pecalang, pinakajuru ngertiyang pasukertan desa.

5. Prajuru-prajuru inucap ring ajeng kaadegang miwah kawusanang malarapan antuk paruman Desa Pakramari nyabran 4 (petang) piodalan Pura Puseh, Pura Dalem, sejawaning wenten pariindik sewosan kewiletin malih tur ledang, inggih punika:
 - ha. Prajuru Desa Adat soang-soang nyabran 4 (petang) warsa.
 - na. Prajuru Banjar Adat soang-soang nyabran 4 (petang) piodalan Pura Puseh, Pura Dalem, dados kajudi malih yening wenten pariindik sewosan tur ledang.

Pawos 14

1. Prajuru kagentosin sangkaning:
 - ha. Lampus wiadin seda miwah sungkan tahunan.
 - na. Pinunas ngraga.
 - ca. Kanorayang olih krama desa, manawi ngawetuang biota, lan salantur ipun.
2. Ngentosin/nganorayang prajuru kadulurin paruman tur kararemin antuk KramaDesa/Banjar Adat.

Pawos 15

1. Swadharman Bandesa/Kelian Banjar Adat luire:
 - ha. Ngenterang paruman-paruman Desa/Banjar Adat;
 - na. Ngenterang penglaksana daging awig-awig miwah pamutus pararem;
 - ca. Ngraksa miwah midabdabin tataning ngangge sarajabrana druwen Desa/BanjarPakraman;
 - ra. Ngenterang saha nuntun krama, ngulati kasukertan sekala niskala;
 - ka. Nuntun saha nyaksinin tata cara miwah sangaskaraning kaunpane mabuat, sanengilitang sulur pakulawargayan;
 - da. Nuntun saha ngenterang krama Desa/Banjar Adat ngulati nginggilang SangHyang Agama, kasucian kahyangan, kasucian pawongan, kasucian palemahanmiwah tata caraning setra;
 - ta. Mawosin miwah niwakang pamutus marep ring wicara krama Desa/BanjarPakraman;
 - sa. Ngawakilin Desa/Banjar Adat matemuang baos ring sapisira ugi;
 - wa. Lan sane siosan sane wenten paiketannyane ring Desa/Banjar Adat.
2. Tata cara nglaksanayang swadharma ring ajeng tan maren patut anut ring awig-awig,pararem, dresta, miwah pamutus paruman Desa/Banjar Adat.
3. Panglaksana ring ajeng patut kasiarang/kasobyahang ring Desa/Banjar Adatkapungkur ipun.
4. Bandesa/Kelian Banjar Adat sumakuta/sumanggup natak pamutus parumanDesa/Banjar Adat ngenenin swadharman soang-soang.
5. Prajuru tan maren nitenin I krama, mangda kasucian Desa/Banjar Adat sidarajeg.

Pawos 16
Olih-olihan

1. Olih-olihan prajuru, kasuluran:
 - ha. Pikolih tanem tuwuh kelapa miwah padang ring setra, punika sami kabukti antukprajuru adat, Pamangku/Panyade, Juru Sunggi, Serati miwah Sutri.
 - na. Jinah panyaksi pangantenan, pangodalan jadma (makuren), miwah paperasan,punika sami kabukti antuk prajuru adat sami sejawaningjejeneng.
 - ca. Jinah danda saking tetabanan wewalungan miwah danda tetangkepan langgaranadat. Pahpahan ipun (ring sang nangkep, ring prajuru sajawaning, jejeneng,miwah Desa Adat) manut pararem.
 - ra. Jinah danda bebakatan parum, makarya, miwah pamedal-medalan raramon,pahpahan ipun (ring prajuru, ring sajawaning jejeneng, miwah Desa Adat)manut pararem.
 - ka. Jinah bebakatan parum sane ring banjaran adat soang-soang,punika ngranjingring kas banjaran soang-soang.
 - da. Jinah sarin canang, punika sami kabukti antuk mangku.
 - ta. Jinah sarin pendah. Pahpahan ipun (tulak ring sang naur pendah, miwah ringmangku) manut pararem.
2. Mungging babuktian-babuktian sajeroning prajuru adat sami, sajawaning jejeneng,pah-pahan ipun sakadi mungging ring sor puniki:
 - ha. Bandesa Adat polih 3 (tigang) bagian.
 - na. Panyarikan (juru tulis), patengen (pangrakse jinah), Kelian Banjar Adatsoang-soang polih 2 (kalih) bagian.
 - ca. Juru arah, pecalang, juru tulis kelian adat, soang-soang polih 1¹² (abesik tengah)bagian.

Palet 3
Indik Paruman

Pawos 17
Luiring Paruman

1. Luir paruman-paruman ring Desa/Banjar Adat
 - ha. Paruman Desa/Banjar Adat
 - na. Paruman Prajuru Desa Adat
2. Sahanan paruman sida lumaksana, yan sampun katedunin antuk sang patut nyarengin,bilih langkungan ring atenga akeh ipun.
3. Sahanan pamutus kautsahayang pisan, mangda malarapan antuk gilik suryak siu. Bilihyan mrasidayang, suarane sane makehan sinanggeh pamutus.
4. Ring satunggil paruman, tan maren kamanggalanin antuk ilen ngarcana Ida BhagawanPanyarikan saha widi-widana (canang pangrawos, cane).

Pawos 18 **Tataning Paruman**

1. Parurnan Desa/Banjar Adat patut kawentenang manut kabuatan ipun.
2. Nangken paruman kadi ring ajeng Bandesa/Kelian Banjar Adat patut nyiarang pamarginnya ngenterang Desa/Banjar Adat, pamekas ngenenin indik:
 - ha. Unjuk lungsuring pakrama miwah ayah-ayahan;
 - na. Pamargi, panelas, miwah sulur artha brana druwen Desa/Banjar Adat;
 - ca. Pamargin usaha Desa/Banjar Adat sane mabuat,
 - ra. Sahanan wicara saha pamutus-pamutusnya,
 - ka. Daging pararem miwah pasuara-pasuara sane mabuat;
 - da. Rencana Prajuru indik usaha kartin Desa/Banjar Adat miwah kapungkur;
 - ta. Miwah sane sewosan.
3. Pararem miwah paswara
 - ha. Pararem Desa/Banjar Adate patut kawentenang;
 - na. Daging pararem punika patut saeloan ring awig-awig.
4. Sane patut ungguhang ring pararem:
 - ha. Dewasa ngawitin pamargin unteng-unteng daging awig-awig sane mabuat;
 - na. Pawilangan panyahcah daging awig-awig sane mabuat;
 - ca. Agung alit danda-danda, panikel-panikel lan salanturnya;
 - ra. Tata sulur ngamargiang daging awig-awig;
 - ka. Sahanan indik sewosan, anggen negepin awig-awig.
5. Daging paswaran tan maren patut:
 - ha. Saeloan ring daging awig-awig;
 - na. Manut ring catur dresta (Purwa, Loka, Desa, Sastra)
 - ca. Pastika nyantenang dewasa pangawit pamarginnyane.
 - ra. Nyantenang agung alit danda-nyane, prade kapurug.
6. Sahanan sasiare ring ajeng katibanin saha katiwakin pamutus antuk pararem Desa/Banjar Adat.
7. Pamutus pararem inucap ring ajeng sinanggeh sepat siku-siku sane patut kasungkemin saha katinutin olih krama Desa/Banjar Adat sami pamekas antuk prajuru.
8. Sajawaning kadi menggah ring ajeng (1) paruman Desa/Banjar Adat patut kawentenang, prade kawidi olih krama Desane sekidik-kidik ipun sareng 13 (apah tiga) puluhan krama Desa/Banjar Adat.
9. Sang ngawidi patut mastikayang bantang sane sandang bawosan ring paruman inucap.

Pawos 19 **Paruman Prajuru**

1. Paruman Prajuru Desa/Banjar Adat patut kawentenan manut kabuatan ipun.
2. Paruman inucap katuntun antuk Bandesa/Kelian Desa/Banjar Adat.
3. Paruman Prajuru kawentenang wantah ngrincikang tata upaya/pangunadikanglaksanayang usaha miwah pangrencana sakaluire.
4. Sahanan pangrencana, tan wenang kalaksanayang sabanen kapikukuhin antukpamutus paruman Desa/Banjar Adat manut dadudonan.

5. Paruman wantah sinanggeh ngawisesa sane wenang nyelemputihang tata pangenter Desa/Banjar Adat manut dresta.
6. Parurnan Prajurune wenang ngamedalang paswara-paswara, negepin daging awig-awig desane.

Palet 4
Indik Kulkul

Pawos 20
Tepakan Kulkul

1. Kulkul Desa/Banjar Adat manggeh piranti/sarana; tengerannya kabuatang anggen wangsit ring wewidangan Desa/Banjar Adat.
2. Kulkul Desa/Banjar Adate tan katepak, yan tan manut kadi daging awig-awig punika.
3. Tabuh tepakan kulkul desane pastika masewos-sewosan manut tatujonnya luire:
 - ha. Tengeran upacara yadnya Desa/Banjar Adat,
 - ha. Tengeran ngawit nglaksanayang pakaryan, kadi sane sampun kaarahang utawikasiarang,
 - ca. Wenten sinalih tunggil krama Desa/Banjar Adate sane seda/padem;
 - ra. Wenten sinalih tunggil krama Desa/Banjar Adate lanang istri sanemawiwaha;
 - ka. Wenten sinalih tunggil krama Desa/Banjar Adate kamalingan;
 - da. Wenten krama Desa/Banjar Adate kaamuk, kabegal, kabaak, agni-baya, miwah baya patine sewosan.
4. Kulkul Desa/Banjar Adat tan wenang katepak sajawaning mula wantah patut katiwakang ring krama Desa/Banjar Adate sami.
5. Sahanan kulkul banjare patut nyarengin katepak saling saut, prade wenten sinalih tunggil kulkul banjare katepak, nyihnayang amuk, kabaya pati, kapuwunan, kamalingan.
6. Swaran kulkul tengeran pakaryan, patut katedunin antuk ayahan manut daging dadauhan utawi sasiar.
7. Swaran kulkul tengeran baya, patut katedunin antuk ayahan lanang, inggihan ngarep, pangele, rawuhin truna wayahan, saha gagawan pamitulung manut rupan baya.
8. Swaran kulkul sekaha-sekaha sakaluire ring Desa/Banjar Adat, tan wenang kasautin antuk swaran kulkul Desa/Banjar Adate.

Palet 5
Indik Druwen Desa

Pawos 21
Padruwen Desa/Palaba

1. Tanah tegal, carik padruwen pura amongan Desa/Banjar Adat kawastanin palaba pura.
2. Palaba inucap patut kaenterang olih Bandesa/Kelian banjar adat manut dadudonan.
3. Pikolih utawi upah-upah palaba pura inucap kadreweyang tur pastika kabuatanne anggen prabean pasukertan Desa/Banjar Adate sekala niskala.
4. Palaba pura inucap patut wenten ilikitan ipun.

5. Tanah palaba pura saha upon-upon punika sahanan druwen Desa/Banjar Adat sami kapastikayang, katitenin olih prajuru kanggen kabuatan Desa/Banjar Adat.
6. Sewosan padruwen pura sakadi ring ajeng, taler wenten likita-likita, miwah nyasa, piranti-piranti sane mastikayang ketatwan Desa Adat maka sasanthi “Kelanguan Keta Raharja” lan selantur ipun.
7. Lembaga Perkreditan Desa (LPD) Desa Adat Bale Agung Kerambitan, wantah padruwen Desa Adat Bale Agung Kerambitan sane pamarginnyane:
 - ha. Kamargiang olih Kepala LPD manut sakadi Peraturan Daerah Propinsi Bali indikLPD.
 - na. Kapratiaksayang lan katureksain olih Badan Pengawas Lembaga Perkreditan Desa(LPD) sane kamanggalain olih Bandesa Adat.
 - ca. Krama Adat wenang dados anggota (Anggota) Lembaga Perkreditan Desa (LPD),lan nyungkemin ilikita paindikan Lembaga Perkreditan Desa (LPD) punika.
 - ra. Sapasira sane piwal lan angusak-asik Lembaga Perkreditan Desa (LPD) punika patut keni pamidanda saking Desa Adat.
 - da. Pamargin Lembaga Perkreditan Desa (LPD) manut sakadi menggah ring Awig-Awig Lembaga Perkreditan Desa (LPD) Desa Adat Bale AgungKerambitan.

Palet 6
Indik Sukerta Pamitegep

Kaping 1
Karang

Pawos 22
Karang pumahan

1. Sahanan karang pumahan patut:
 - ha. Pastika wenten wates ipun;
 - na. Mapamedalan ka rurung/margi.
2. Kelian Desa/Banjar Adat, patut ngutsahayang mangda sami pakarangan krama Desa/Banjar Adat kadi inucap ring ajeng.
3. Sahanan krama patut ngawatesin karangnyane soang-soang jantos sida trepti nyatur desa.
4. Wates karang sane majepitan, patut kategen olih krama sane mauluan ka wates inucap, manut dresta.
5. Telajakan karang soang-soang patut kapiara antuk krama sane nuwenan karang.
6. Margi ring arepan karang krama soang-soang patut kapiara antuk krarna Desa/Banjar Pakraman, saha kasarengin antuk krama soang-soang sane nlajakin karang punika.
7. Taru miwah olih-olihan (woh-wohan) sane maurip ring wates kadi ring ajeng kadruwe olih krama sane negen inucap.

Kaping2
Tata Nyulurang Karang
Pawos 23

Tata nyulurang karang

1. Tanem tuwuh sakaluire, miwah wewangunan tan wenang ngungkulin utawi naonin, miwah ngawinan pocol karang panyandingnyane.
2. Prade wenten kadi inucap (1) wenang kasepat gantungan saha katelasin olih krama sane madruwe tanem tuwuh mayanin/ngalikadin punika, saha carane:
 - ha. Krama sane madruwe tanem tuwuh mayanin/ngalikadin atur upeksa ring prajuru, mangda kasaksinin ritatkala nelasin (notor), ngebah lan selanturnya.
 - na. Atur upeksa ring prajuru, nunas wenang panumaya pacang makarya nelasin/notor.
 - ca. Sadurung lintang wenang, prade tanem tuwuh, wewangunan, sane mayanin panyanding punika rubuh tan pajamuga antuk linuh, angin, sabeh, lan sakancannya, sang adrewe luput saking kaiwangan.
 - ra. Tanem tuwuh/wewangunan sane rubuh punika, wenang katawan olih sang keni baya.
3. Saluire tanem tuwuh sane ngungkulin utawi mayanin panyandingnya kasepat gantungan, wenang ngajrowang adepa agung ($\pm 2,50$ m) saking wates.
4. Taler tan wenang makarya loloan toya pangutangan karang panyandingnya.
5. Saluinng tanem tuwuh miwah wewangunan krama ring pakarangannya rubuh tur mayanin wewangunan krama lianan, patut krama inucap (sane mayanin) negen prabean wewangunan sane kabayanin, tur negen prabean pangaskarannya. Yan sang keni baya sampun atur upeksa dumun ring prajuru, tanem tuwuh utawi wewangunan sane mayanin punika, kabukti olih sang keni baya.

Pawos 24
Ngletehin Karang

1. Tan wenang nanem utawi nunjel sawa wiadin awak-awakan sawa ring karang pumahan.
2. Tan wenang makta (ngengahang) barang sakaluire sane ngaletehin ring karang pumahan, bilih-bilih yen kaletelahnya nglantur, sinanggeh ngalimbak ngletehin karang anak sewos miwab Desa Adat manut panampen agama Hindu.

Pawos 25
Ngentasang Sawa

1. Ngentasang sawa patut ring pakarangan miwah pamedalan sane mula yogya pamargin sang madrebe sawa, yadiastun wenten pamedalan sewosan.
2. Ngentasang sawa ring carik wiadin tegalan anak lian, kapatutang manut pituduh Prajuru Desa/Banjar Adat, wiadin Prajuru Subak.

3. Indik nitenin ngentasang sawa kasulurang luire: Tanah sane kamarginin kadi inucap (paos 24) patut kaprayascita olih sang madrewe sawa; upacara/upakara kamargiang ring tanah sane kaentap pinih rihin, salantur ipun tanah sane kaentap ungkuran patut kasiratin kewanten antuk tirta pamrayascitan punika.

Pawos 26

Padem Ring Pakarangan Anak Lian

1. Yan wenten jadm padem ring karang pumahan wiadin tegal miwah carik anak lian, genahe punika patut kaprayascita olih sang madrewe sawa.
2. Yan wenten sawa wiadin barang sewosan kapanggih sane sinanggeh letuh manut panampen Agama Hindu tur tan wenten janten sang madrewe, patut kasanggra/kapastika. Indik pamahayunnya olih desa sasampunne polih panugrahan saking sang guru wisesa.

Ka ping 3

Wewalungan

Pawos 27

Nyulurang Wewahungan

1. Tan wenang ngalumbar wewalungan (pamekas saking wewahungan bawi, banteng, kambing, kebo, misa, kuda) ring pakarangan, miwah ring margi, bilih-bilih kantos ngrusak tetanduran panyandinge.
2. Sahananing krama Desa/Banjar Adate sane miara wewalungan patut sayaga negul, ngelogorin wewalungan punika mangda wewalungan punika tan wenten ngrusak kadi (1) ring ajeng, bilih-bilih magda sampunang jantos ngranjing/ngletehin kahyangan.
3. Prade wenten wewalungan ngeleb, tur ngranjing ring pakarangan anak sewosan, sang madrewe karang sane karanjingin wewalungan punika mlungguhang ring sang nruenang punika. Bilih-bilih wewalungan punika ngawinang ngrusakin, mangda ngrauhang babaos ring prajuru. Prajuru niwakang pamidanda ring sang madrewe wewalungan sane ngrusak; agung alit ipun manut pararem.
4. Bilih-bilih sajeroning asasih jantos ping tiga sampun kaplungguhang, wewalunganne, wenang kataban. Sang naban punika patut atur upeksa ring prajuru. Wewalungan sane kataban punika wenang kapiara olih sang naban, sadurunge katebus olih sang nruwenang.
5. Sang nruwenang patut nebus; agung alit panebusannyane kajantenang olih prajuru, maweweh antuk danda manut karusakan sane kawetuang miwah prebean miara sasuen ipun magenah ring genah sang naban.

Pawos 28

Wewalungan Ngeleb Paplunguhan

1. Prade wenten wewalungan ngeleb tur ngaranjing ke kahyangan, sang madrewewewalungan punika kasisipang antuk danda prabean upakara pamarisuda sapatute. Agung alit upakarannyane manut pamastika smreti Agama Hindu, saha kapikukuhin antuk pararem.
2. Yan wenten wewalungan sane ngeleb bilih-bilih jantos kataban, nangin tan wenten jadma ngangkenin, masengker tigang rahina, wewalungan punika patut kaaturuningan ring prajuru Desa/Banjar Adat.
3. Yening wewalungan punika padem tan sangkaning kakardinin sajeroning kantunmataban, sang naban tan wenang ngarsayang prabean miara ring sapa sira ugi, sangmadrewe wewalungan punika taler tan wenang ngarsayang papplelenan pangarganwewalungan sane padem punika ring sapa sira ugi.

Kaping4

Dusta Miwah Baya

Pawos 29

Dusta

1. Laksana sane sinanggeh dusta luire:
 - ha. Jiwa baya
 - na. Artha baya
 - ca. Geni baya
 - ra. Plagandangan
 - ka. Nastika utawi dura cara ring agama
2. Sahananing krama Desa/Banjar Adat prade uning wenten jadma malaksana dusta ring sajeroning Desa/Banjar Adat, patut digelis atur uning ring prajuru.
3. Bilih mabuat kawentenang ring ipun sang inucap digelis nepak kulkul desane.

Pawos 30

Baya

1. Sane sinanggeh baya utawi panangkan baya, upamin ipun:
 - ha. Umah puwun.
 - na. Kablabaran toyo ageng lan sakancannya.
2. Sahanan krama Desa/Banjar Adat prade uning ring kawentenan baya utawi panangkan bayane, patut pramangke atur uninga ring prajuru.
3. Bilih mabuat kawentenan ipun, sang uning punika patut digelis nepak kulkul desane.

Pawos 31

Tataning Maseserep

1. Krama Desa/Banjar Adat sane kaicalan/kamalingan, prade pacang maseserep, patut nunas kabebasan miwah panuntun ring Bandesa Adat/Pemerintah.
2. Prade genah maseserep punika ngliwat ke banjar sewosan, patut nunas kabebasan utawi uak-uakan saking Bandesa Adat irika/Pemerintah.

3. Bandesa Adat inucap ngicen panuntun, mangda tata carane maseserep manut ring drestane.
4. Sahananing krama Desa/Banjar Adat prade polih nuduk barang sakaluire patut atur uningan ring Kelian Banjar.
5. Kelian Desa/Banjar Adat nyiarang barang dedudukan punika, mangda sang madrebe ngelingin barangnyane. Sang manangken patut nyihnayang/ninasang mungguing barang punika muJa wantah padrewennya.
6. Prade tigang sasih suene tan wenten jadma ngelingin/mariangken barang dedudukan punika wenang kadreweang olih sang nuduk, sasampune polih lalugrahan saking sang ngawiwenang.

Ka ping 5
Panyanggran Desa/Banjar Adat
Pawos 32
Tataning Nyanggra

1. Desane wenang ngamanggehang tata caraning nyanggra pakaryan yadnya kramane.
2. Pakaryan drewen sinalih tunggil krama sane mabuat panyanggrannya kasuksara ring desane.
3. Desane patut madarsana antuk rasa pramatulung ring sang makarya, tur tan maren manggehang kasusatian kramane ring Desa/Banjar Adat.
4. Bilib karyane buat, bobot, banjare wenang ngrereh pitulung ring Desa/Banjar Pakraman sewosan.
5. Pakaryan sane patut kesuksara ring panyanggra luire:
 - ha. Upapira/Upakara sawa
 - na. Sahananing piranti karya pangabenan.

CATURMA SARGAH SUKERTA TATA AGAMA

Palet 1 Indik Dewa Yadnya

Pawos 33

1. Kahyangan-kahyangan panyiwian sane wenten ring Desa/Banjar Adat luire:
 - ha. Kahyangan Jagat Ulun Siwi, sane kaemong olih Krama Kumpulan Baturiti;
 - na. Kahyangan Desa Adat luire: Pura Puseh, Pura Dalem lan Pura Prajapati;
 - ca. Pura Panti/Paibon miwah Pamerajan soang-soang Krama Desa.
2. Rahina piotalan soang-soang Kahyangan Desa lan Pedadian inucap kadi ring sor:
 - ha. Kahyangan Jagat Ulun Swi ring rahina Buda Kiiwon Sinta.
 - na. Kahyangan Puseh/Bale Agung ring rahina Buda Kiiwon Dungan.
 - ca. Kahyangan Dalem ring rahina Saniscara Kliwon Kuningan.
 - ra. Kahyangan Prajapati ring rahina Purnama Kadasa.
3. Pailen pujawali kahyangan adat sakadi ring sor:
 - ha. Pujawali Kahyangan Puseh/Bale Agung lan pura Dalem, ritatkala nemuning prawani utawi purnama (sukia paksa), kamargiang pujawali utama;
 - na. Sang Wiku pamuput karya Puja Wali Ida Sulinggih;
 - ra. Pamangku-pamangku Kahyangan Puseh/Bale Agung, Kahyangan Dalem lan Kahyangan Prajapati saha prarencang sami nyanggra pailen karya ngantos kabawos puput;
 - ra. Sang sane nibakang tirta ring para pamedek sami, ritatkala pujawali inggih punika: Ida Sulinggih, Pamangku (lanang-istn), saha kasanding olih parajuru sunggi sane sam pun kapawintenan tur mabusana sarwa **petak**;
 - ka. Pamargin puja wali ring Kahyangan Puseh/Bale Agung Mapangadeg **kakalih**, kahyasin/kaprateka ring mandala utama tur kalinggihan nyajar makembaran ringbale pamayasan utama marep kidul, raris kalaksanayang manut upakara saha kasayagayang, kaantebang olih **Mangku Kahyangan Puseh/Bale Agung** silih sinunggil saling gentosin, ngantos pailen pangubaktian puput. Ida Bhatara mararesik ke Beji Arasiga, soang-soang kapundut malingga ring joli. Pangadeg Ida Bhatara Brahma ring ajeng, Pangadeg Ida Bhatara Wisnu ring ungkuran. Sapangrawuh saking beji Ida Bhatara makakalih malinggih ring asagan utama/agung marep pascima;
 - da. Pamargin pujawali ring Kahyangan Dalem lan Kahyangan Prajapati pateh sakadi ring Kahyangan Puseh/Bale Agung, genah mareresik ring beji Pancoran Brahmana Kadampal;
 - ta. Pamargin rerahinan, kalaksanayang olih Pamangku manut dresta desa, makadi:
 - 1) Buda Cemeng Klawu (Palinggih Rambut Sedana)
 - 2) Sukra Umanis Klawu (Palinggih Manik Galih)
 - 3) Buda-Kliwon

4) Anggara-kasih

5) Pumama lan Tilem.

sa. Krama desa wenang nyejerang penjor ring rahinan Galungan, kalaksanayangngawit rahina Panampahan nyejer ngantos rahinan Budha-Kliwon-Pahang(Budha-Kliwon Pegatwakan).

Pawos 34

Pamangku, Juru Sunggi, Sрати Banten, Sutri

1. Ring Desa Adat kawentenang Pamangku, Juru Sunggi, Sрати lan Sutri.
2. Pamangku, Juru Sunggi, Sрати lan Sutri inucap kaadegang malarapan antuk:
 - ha. Ngelingin saking katurunan/tunggak wareng.
 - na. Kajudi saking Krama Desa.
 - ca. Saking nuwur pawuwus/ nyanjan
3. Prabean ngwentenang Pamangku, kamedalin antuk Desa, manut pararem.
4. Prabean upakaran Pitra Yadnyane marep ring Pamangku, Panyade inucap ring ajeng rikala padem, sajawaning kacawis antuk kulawargannya taler wenten dana punian Desa, manut pararem.
5. Pamangku kengin kasanggra olih Penyade manut kabuatan.

Pawos 35

Swadharman Pamangku/Panyade, Juru Sunggi

1. Swadharman Pamangku/Penyade ring Desa Adat luire:
 - ha. Nyujur kautaman kasucian Kahyangan, weruh ring aji, rajeg tumurut ring sesana lan Dharma Sadhu;
 - na. Ngenterang parikrama yadnya marep ring Desa Adat malarapan antuk manah bakti, asih lan punia;
 - ca. Munggah medun manut parikrama ring ngyasin prahngga-pralingga lanparidabdab sane tiosan manut kaingkupan de prajuru Desa Adat.
2. Swadharmaning Sрати lan Sutri:
 - ha. Nyujur kautaman kasucian kahyangan, upakara, uparengga;
 - na. Ngenterang saparidabdab ngaryaning upakara manut ring sastra dresta, desadresta saha kapastikayang olih Prajuru Desa Adat;
 - ca. Nyanggra lan nyandingin Pamangku-pamangku sajeroning ngilenang upakara yadnya ngantos kabawos paripurna;
 - ra. Maparidabdabin I karma Desa Adat ritatkala ngayah makarya upakarayadnya.
3. Swadharma Juru Sunggi
 - ha. Nyujur kautaman kasucian kahyangan, upakara, uparengga;
 - na. Nyandingin/nyarengin de Pamangku ritatkala ngihyasin pralingga sami ringKahyangan lan pakaryan sane tiosan manut yadnya makadi uparengga - uparengga;
 - ca. Nyarengin maparisolah ngarentebin pamargin upacara ring Kahyangan.

4. Swadharma Pacalang
 - ha. Maparidabdab kasukertan sapangrawuh ikarma Desa Adat taler sareng ngautamayang kasucian Kahyangan;
 - na. Maparidabdab kasukertan ring marga ageng ritatkala Ida Bhatara mararesik kebejian;
 - ca. Mapandabdab kawentenan polah-palih kasukertan ring margi ageng manmgda pamargin upacara becik, aritar tan kapialang, lan mapidabdab sane tiosan manut paikrama.
5. Indik Pamikukuhing Pamangku, Juru Sunggi, Sрати lan Sutri
 - ha. Tan kengin sane ceda angga (buta, bongol, kolok lan sakancan nyane);
 - na. Gering ila, edan, buduh, ayan lan sekancan nyane,
 - ca. Maparilaku bromocorah, pamarikosa (nastika), nilar sesana manut awig-awig lan pararem, tan ngamanggehan/manut Sang Hyang Agama.
 - ra. Ngentosin/ngewus Pamangku, Juru Sunggi, Sрати lan Sutri nganutin ring pararemDesa Adat Pakraman Bale Agung Kerambitan.
 - ka. Yening mawali kakukuhang/karajegan, mangda ngamargian ngawanaprastaawarsa suwenia saha kaupakara pararesikan malih.

Pawos 36

Olih-olihan Pamangku, Juru Sunggi, Sрати lan Sutri

1. Indik babuktian-babuktian rimasaning puja wali ring Pura Puseh, Pura Dalem lan Pura Prajapati daging aturan muah sesarin ipun kapah 3 (tiga):
 - ha. 1/3 pahan katur ring Pamangku lan Juru Sunggi (pahan ipun kaatur olih dane Mangku).
 - na. 1/3 pahan kabukti olih Pajuruan (pahan ipun tan maren katur olih Jero Bandesa)
 - ca. 1/3 pahan dados padruwen Desa Adat.
2. Kawentenan dana punia sami ngeranjing ring padruwen Desa Adat.
3. Prajuru tan maren nureksain, nitenin, nyujurjujur, mangda Pamangku, Juru Sunggi, Sрати lan Sutri rajeg nganutin sasana ring Kahyangan kandugi tegeg kaheningania sahayukti-yukti kapastikayang olih-olihan nyane.

Pawos 37

Kasukertan Kahyangan

1. Prajuru Desa/Banjar Adat kayogya nuntun saha ngenterang karma Desa/BanjarPakraman mangda tegeng ngemanggehang kasucian kahyangan.
2. Ring sajroning kahyangan tan kayogya maparisolah sane nyuntakain utawingaletihin, upamin ipun:
 - ha. Mamisuh, wak purusya (wicara sane tan patut);
 - na. Biyuta, bilih-bilih ngantos metu rah;
 - ca. Mabacin, mabanyu, sanggama miwah prawertin letih sane tiosan;
 - ra. Jadma luh ngambahang rambut (sajawaning prasuretri kalinggihin Bhatara);
 - ka. Mungguh tedun ring palinggih-palinggih yan tan kaparisuda antuk pamangku.

3. Prajurune patut mastikayang pamangku-pamangku sane yogya munggah tedun ring palinggih Kahyangan panyiwian Desa/Banjar Adat miwah ngiasin pralinggannya.
4. Prajuru patut mastikayang indik sane wenang nyanggra tapakan-tapakan utawi lien-ilen sane patut kapingitan kasuciannya, upami arca, pangawin, Ian salantur ipun.
5. Bacakan candela miwah leteh sane tan dados ngranjing ring kahyangan panyiwian Desa/Banjar Adat luire:
 - ha. Jadma luh sebel kandel (ngraja sewala), madue oka durung tutug asasih pitung rahina, karuron, Ian sang lanang durung tutug roras rahina,
 - na. Jadma cuntaka saking kapademan, sadurung tutug panglemijian;
 - ca. Sato agung ngawit saking bawi lantur ring satone agengan (suku pat) sajawaning kalaning kabuatan yadnya;
 - ra. Sahanan barang punapi luire sane sinanggeh letuh manut agama Hindu (tulang, getih, bok, saluir wiwitan watang, layudan-layudan pitra yadnya lan sakancanne);
 - ka. Miwah candalane utawi sane leteh sewosan.
6. Sang kacihnan, bilih-bilih kapastika malaksana kadi ring ajeng patut kasisipang saha katiwakin pamidanda artha miwah pamidanda pamarisudha Desa/Banjar Adat antuk pangaskara manut Agama Hindu sane kapikukuhang.
7. Kramanne sane uning utawi ngamanggihin mungwing wenten jadma ngletuhin kahyangan kadi munggah ring ajeng, patut matur piuning ring Prajuru.
8. Prade tan wenten nyadokang, punika sinanggeh saruron ring corah.
9. Prade wenten tan katinutin, utawi mamurug larangan-larangan inucap ring ajeng, wenang kasisipang, pamidandannya manut pararem.

Pawos 38

Parikrama Kahyangan

1. Prajuru-prajurune patut mastikayang indik Kahyangan Panyiwian Pamaksan, Panti kulawargan, upami sanggah-sanggah sajabag wewidangan Desa/Banjar Adat, sajawaning sane kariinan wantah madruwe dresta sewosan.
2. Yan tan manut kadi munggah ring ajeng, pralingga kahyangan inucap tan dados kasarengan rikala samuha/nyejer ring Bale Agung miwah upacara-upacara sewosan.
3. Prajuru patut mastikayang indik odalan miwah aci-aci ring kahyangan panyiwian Desa/Banjar Adat, agung kalawan alit miwah tata panglaksanannya.
4. Panumayan widi widana Desa/Banjar Adat kasulurang manut pawukon Ian sasih.
5. Prajurune mangda nuntun sahanan upacara widi widana Desa/Banjar Adat kamanggehang, sakasidan agung alite anutang ring sakawentennya, upami: ngagalung, ngusaba desa, ngusaba nini, tawur pangaci indik kadurmanggalan, Ian rarahinan sewosan manut Agama Hindu.
6. Indik upakara/bebanten
 - ha. Upakara miwah bratan ring Galungan, Saraswati, Sasapan sakaluire patut kaj ejerang,
 - na. Prajuru nuntun saha midabdabin, mangda Desa/Banjar Adat sida trepti asuci laksana saha ninutin kabuatan upakara;
 - ca. Sang kacihnan ngarusak pidabdab ring ajeng, wenang tiwakin pamidanda manut pararem.

7. Prabea ngaci manggeh kabuatang Desa/Banjar Adat kamedalin antuk krama Desa/Banjar Adat.

Palet 2
Indik Rsi yadnya
Pawos 39
Mapudgala

1. Sang pacang mapudgala/madwijati, sajawaning nunas panugrahan ring sang rumawos (Parisadha Hindu Dharma, utawi Pemerintah) taler patut masodok ring Bandesa/Kelian Banjar Adat.
2. Prajuru Banjar inucap patut sareng nureksain, mangda sulur kalih pamarginne yakti-yakti manut kecaping agarna Hindu. Sane patut katureksanin pinih ajeng kacedanggan miwah ayu-nulus parilaksana sang mapinunas punika.
3. Prade wenten sinanggeh kanton cemer krama banjar, Prajuru inucap patut atur uninga ring sang rumawos.
4. Prajuru inucap, patut sareng nyaksinin pamargin upacara.
5. Sapupute, Prajuru Banjare patut digelis nyobiahang ring paruman banjare.

Pawos 40
Nitenin Sang Sampun Niapudgala

1. Prajuru patut nuntun krama Desa/Banjar Adat ngarengayang sapamargin para wikuna ring wewidangan Desa/Banjar Adat, pamekas mangda pageh tur suci linggih ida.
2. Prajuru/pamekas Bandesa/Kelian Banjar Adat patut digelis atur uninga ring Guru Nabennya, prade wenten macihna wiku sasar ring laksana. Atur piuning punika patut kadulurin antuk cihna/bakti manut agem-ageman tri pramana (bukti, saksi, ilikita).
3. Daging pamutus bawos sane katiwakan antuk Nabennya patut digelis kasiarang ring paruman banjare.
4. Prade pamutus tatiwake ring ajeng durung kapineh sida tinglas apadang. Prajurune atur upeksa ring sang rumawos (Parisada utawi Pemerintah).
5. Pamutus tatiwak Guru Nabe sane sampun kasangggra antuk sang rumawos inucap sinanggeh pamutus pastika tan wicaranan malih.

Pawos 41
Nitenin Pamargin Yadnya

1. Sang pacang nyaluk pawintenan gumana pacang mamargi ngamangkunin nyonteng, dalang tur pacang ngantebang yadnya sakaluirnya, patut masodok ring prajuru Desai/Banjar Pakrarnane.
2. Prajuru inucap patut mratiaksayang tur ngarunguang mangda pamarginne manut ring kecaping sastra agama miwah dresta, utawi pastika manut sakadi sane sampun kaparaemin.

3. Prajuru wenang ngalengin, prade sang inucap kacihnan sasar ring kecaping sastra agama miwah drestane.
4. Yan sang inucap tan tanma ring tatiwak Prajuru punika, dados nunas pamutus ring sang rumawos.
5. Pamutus bawos sane katiwakang antuk sang rumawos ring ajeng, manggeh maka pamutus pastika, tan wiracanan malih. Prajuru Banjare patut sareng nyaksinin ilen upacara sang mawinten ; sapupute digelis kasiarang ring paruman banjare, tegap rawuhing bates kawenangane ngantebang/muput yadnya sane dados kamargiang, manut panugrahan Sang Guru miwah manut dresta.

Pawos 42
Muput Yadnya

1. Krama Desa/Banjar Adat patut sareng ngarunguang, katuntun olih Prajuru, mangda sahanan ing yadnya sane kawentenang polih pamuput saking sang sulinggih (Padanda, Mangku) manut dadudonan kawenangannya soang-soang tur manut dresta.
2. Prade wenten nglernpasin, bilih-bilih sane pastika nyumuka, Prajuru patut ngalengin, utawi ngrunguang yadnya punika. Prade nglantur kadurusang, yadnya saha palawasannya sinanggeh tan wenten manggeh sah.
3. Sang nglernpasin utawi kaiwangan. patut katiwakin pamidanda olih Prajuru; agung aiit manut pararem.
4. Prade sang katiwakin piwal ring pamutus Prajuru, wenang katunasang bawos ring sane patut ngicenin pamutus. Pamutuse punika tan wenang wicaranan malih.

Palet3
Indik Pitra Yadnya
Pawos 43
Kelayuan

1. Yan wenten krama kalayuan (seda) patut masodok ring Kelian Adat Ian Jero Bandesa Adat.
2. Kelian Adate ngunggahang sang seda inucap ring ilikita.

Pawos 44
Tunon/Setra, Miwah Atiwa-Tiwa

1. Genah ngeseng/mendem sawa kawastanin setra/tunon/sema.
2. Sang pacang ngangge setra/tunon, patut nunas kalugraan ring Bandesa Adat saha tatane kangge, manut kadi dresta.
3. Wong Desa/Banjar Adat patut nganutin, mangda sahananing Ieteh setrane tan wenten ngalahlah/kabakta ke Desa Adat, bilih-bilih ke kahyangan.

Pawos 45
Nyulurang Mendem/Ngeseng Sawa

1. Pidabdab ngeseng/mendem sawa, kasulurang kadi ring sor puniki:
 - ha. Tan dados nginepang bambang sane pacang anggen nanem sawa;
 - na. Sawa wong rare durung tumbuh untu, tigang sasih (105 rahina) patut kapendem pramangke, tan ngetang larangan dewasa;
 - Ca. Sajeroning abanjaran suka duka yen wenten pacang mendem sawa wiadin ngaben lintangan ring adiri arahina ring setrane tunggal, patut sane nampekan ring genah setrane punika mamargi rihinan. Pamargine punika kadudonan olih Prajuru.
 - ra. Sajeroning arahina ring pabanjaran suka duka prade wenten anak mendem sawa miwah ngaben, patut ilen ngabene kamargiang rihinan, ilen mendem sawane kamargiang ungkuran.
 - ka. Jadma padem nandang gering ila, salah pati, ngulah pati, sawanne dados ngaranjing kapakubonan tur patut kapendem ring setra.
 - ta. Yan prade wenten anak makarya gegumuk masemen ring setra Adat Pakraman Bale Agung Kerambitan, rikala ikrama Desa/Banjar Adat kabuatan ring tanah genah gegumuk semene punika, patut sang madruwe gegumuk semene punika ngubar gegumuk semennyane, tan ngetang prabeya.

Pawos 46
Dewasa Atiwa-tiwa (Ngeseng Sawa/Ngaben)

1. Krama sane pacang atiwa-tiwa patut asadok tur nunas kabebasan ring Bandesa Adat.
2. Prajuru Banjar inucap nitenin tur nuntun mangda krama punika tan mamurug pasukertan Desa/Banjar Paksaman, pamekas tan nyepungin kasucian Banjar utawi Kahyangan.
3. Pidabdab nitenin punika kadi inucap kaenterang luire:

Prade wenten jadma padem sajeroning sengker 7 (pitung) rahina, dados kaaben katiwa-tiwayang, sajawaning wenten kabuatan desa nenten kadaosang, luire:

 - ha. Nemonin pamelaspasan palinggih panyungsungan Desa, pamekas Pura Desa, Pura Puseh, Pura Dalem, Ian Pura Prajapati tan dados malebu.
 - na. Nemonin rahina Anggarakasih, Buda Kliwon, Tumpek, Purnama/Tilem purwanining tilem/purnama, pasah, semut sadulur, kala gotongan, was panganten (ring Redite was Ian Saniscara was) tan dados malebu.
 - Ca. Nemonin rahinan gumi makadi: Galungan, Kuningan, Nyepi, Sugihan, Siwaratri Ian uger-uger Sang Angemong Rat.
 - ra. Nemoning pujawali/ patirthan ring kahyangan Puseh, Dalem, Ian Prajapati.
 - ka. Pamargi sane patut kamargiang inggih punika makingsan ring Ibu Pertiwi utawi makingsan ring gni, pamarginnyane sasampun surya sumurup.
 - da. Yening ngamargiang atiwa-tiwa/mageseng/mapendem ring was panganten nuju dina Soma, Anggara, Buda, Wrespati, Sukra, daweg nedunang sawa ring setra patut kaduluring caru ayam brumbun/bebek bulu sikep ingolah dados 33 tanding.

Pawos 47
Upakara Ian Nyanggra Atiwa-tiwa/Ngaben

1. Bacakan yusan jadma sane kengin miwah tan kengin tiwakin upakara ngaben luire:
 ha. Sawa wong rare durung mayusa 3 (tigang) sasih tan kengin kaaben, nanging patut kapendem ring setra pabajangan;
 na. Sawan wong rare sane mayusa langkungan 3 (tigang) sasih dados kaaben.
2. Pakaryan atiwa-tiwa kengin kaserah ring soang-soang Banjar Adat.
3. Desane sumakuta nyanggra (utawi ngwehin) kabebasan manut awig-awig/pararem.
4. Jero Bandesa Adat sareng Kelian Adat Pakraman, lan kulawagra nitenin ngaben ngerit (ngaben masal) ring wewidangan Desa Pakrarnan Pakraman Bale Agung Kramabitan manut kabuatan.

Pawos 48
Pananjung Batu

1. Prade wenten sawa sane pacang kependem ring setra, boya wantah sawan krama Desa/Banjar Adat Bale Agung Kerambitan, sang madrebe sawane patut keni pananjung batu/panukun setra, agung alitipun manut pararem.
2. Mendem sawa patut ring setra/tunon, tan dados ring karang pumahan, tegal, carik Ian sane sewosan.

Palet 4
Indik Manusa Yadnya

Pawos 49

1. Manusa yadnya inggih punika upacara-upacara dharmaning manusa ngawit saking petemoning kama petak kalawan kama bang sajeroning garba utawi waduk ibiang, ngantos seda riwekas.
2. Upacara kadi ring ajeng madudonan sakadi ring sor:
 Megedong-gedongan; wawu medal wenten upacara Dapetan, Kepud udel (matelah telah); Tutug kambuhan (abulan pitung rahina); Tigang sasih; Yusa nem sasih/aoton; Tutug kelih (ngaraja sewala); Mapandes/metatah; Mawiwaha/nganten; Pawintenan utawi makala hias.
3. Upacara-upakara inucap, nista, madya, utama nganutin sastra agama miwah catur dresta maka buatan desa drestane, nganutin sima cara Desa Adat Bale Agung Kerambitan.
4. Upacara pawintenan anut pawos 41 ring ajeng miwah upacara pawiwahan manut pawos 53 (1) ring sor.

Palet 5
Indik Bhuta Yadnya
Pawos 50

1. Bhuta yadnya inggih punika upacara-upacara pabeyakalan ring Ibu Pertiwi lan Kahyangan ring sarwa prani miwah ring sarwa bebhutan.
2. Upacara-upakara pabeyakalan ring sarwa prani:
 - ha. Tumpek pangarah patemoning Saniscara Kliwon Wariga, pewetoning sarwa tumuwuh;
 - na. Tumpek Uye, patemoning Saniscara Kliwon Uye, upacaraning sarwa ingon-ingon utawi wewalungan,
 - ca. Upacara pakala-kalan manusa anut wiguna ketah bawos pabeyakalan,
 - ra. Upacara pecaron sasih manut kabiahparaning jagat.
3. Upacara-upakara pabeyakalan ring Ibu Pertiwi miwah Kahyangan lan ring bebhutan kawastanin macaru.
4. Pacaruan inucap nisata, madia, utama manut wiguna, sakadi ring sor:
 - ha. Eka sata
 - na. Panca sata
 - ca. Rsi gana
 - ra. Panca kelud
 - ka. Panca sanak
 - da. Mlabuh gentuh
5. Sajawaning ring ajeng kawentenang upakara yadnyasesa utawi mabanten rayunan nyabran wusan ngrateng.

Pawos 51
Upacara Tawur

1. Majeng ring Idha Bhatara patut:
 - ha. Pangelong ping 13 sasih kasanga, melasti ke segara raris nyejer ring soang-soang
 Pura Adat Bale Agung kalih rahina/Ida Bhatara mawali ring kahyangan soang soang sasampun wusan tawur ka Sanga.
 2. Upacara tawur manut dudonan:
 - ha. Ring tileming sasih kasanga kawentenang pangrupuk
 - na. Pacaruane manut genah, luire:
 - 1) Ring lebu krama Desa/Banjar Adat soang-soang.
 - 2) Ring pempatan
 - 3) Ring Pura Puseh
- Upacara manut arah-arah saking Desa miwah Parisadha Hindu Dharma

Pawos 52

1. Upacara rahina Nyepi/Sipeng, nganutin catur pabratan kadi ring sor:
 - ha. Amati geni, tan kengin maapi-api sejawaning:
 - Sang madruwe rare dereng tigang sasih, ring genah rare inucap;

- Sang matepetin ring genah sang sungkan,
 Sang madruwe layon ring genah sawa inucap.
- na. Amati karya, tan wenang nyambut karya
 ca. Amati lelungan, tan kengin melelungan, sajawaning pecalang prajuru desa saha polih uak-uakan antuk ilikita pastika;
 ra. Amati lelungan, tan kengin masuara gora, unen-unenan/mapalalian.
2. Prade amurug ring brata panyepian keni pamidanda manut pararem, kalaksanayang olih pecalang tur gegaden inucap kapiara olih Desa Adat.
 3. Riwus rahina Nyepi kawastanin Ngembak Geni, mapiteges penglukaran Yoga Semadi kaduluran antuk ngaksama soang-soang Krama Desa/Banjar Adat Bale Agung Kerambitan makacihna pangawit Icaka warsa.

PANCAMAS SARGAH SUKERTA TATA PAWONGAN

Palet 1

Indik Pawiwahan

Pawos 53

Pawarangan Miwah Pakulawargan

1. Sinalih tunggil krama pacang ngwarangan kulawargannya, patut masadok ring Kelian Banjar Adat, sakirang ipun masengker tigang rahina sabanen dewasapawarangannya.
2. Prajuru inucap patut maritetesin, prade pamargine sampun manut ring drestaning pawarangan, patut kaicen pasayuban sapatutnya. Prade tan manut, prajuru-prajurune ngutsahayang maweh panuntun, larapan pamargine sida manut tata cara.
3. Yan pawarangan puniki lempas ring kecap agama, upami gamia-gamana, taler lempas ring pastikan undang-undang ring sang Guru Wisesa (Undang-Undang Perkawinan RI miwah peraturan pelaksanaannyane), sinanggeh ngawinang terak jagat, Prajuru prajuru punika patut maweh panuntun, mangda pawaranganne punika kaurungang.
4. Prade panureksannya nyihnayang pawarangan sampun manut ring drestane, upacarane dados lanturang.
5. Ring panumayan upacara widi widanannya, Prajuru-prajuru inucap patut nodia maka saksi.

Pawos 54

Puput Manggeh/Sah Alaki Rabi

1. Indik pawiwahan (alaki rabi) krama Desa/Banjar Adat punika ngamanggehang daging Undang-Undang Perkawinan RI No. 1 Warsa 1974 miwah PeraturanPelaksanaan ipun No. 9 Warsa 1975, miwah pasuara sane kamedalang olih Gubernur Bali lan Bupati Tabanan.
2. Sinalih tunggil krama kapastika manggeh sah parabiannya, yan sampun saha widi widanan manut upacara agama Hindu (makala-kalaan/tanjung sambuk).

Pawos 55

Ngrorod/Ngrangkat

1. Krama sane nampi wong ngrorod, patut pramangkin masadok ring Kelian Banjar Pakraman.
2. Kelian Banjar Adat patut digelis netes sang ngarorod, pamekas maritiaksayang pamargine manut utawi tan manut ring dresta.
3. Yan pamargine kadi ring dresta, sang ngrorod miwah sang nampi polih pikukuh pasayuban Banjar makadi Kelian/Prajuru.
4. Prade pamargine tan manut kadi ring dresta, Bandesa Adate patut digelis malasang sang kabancana, raris maweh pasayuban.

5. Bandesa Adate digelis patut ngutsahayang mangda sang keni bancana gelis tulak ring genahe mula. Prade doh genah/linggihnya ring dura desa, utsahane kaatur ring sang rumawos (Pemerintah) manut dudonan, Prebekel, Camat.
6. Krama sane nampi rarorodan patut katetes, tur katureksa manut ring prakertinnane. Yan saruron ring corah/nyarengin misekayang, wenang danda, agung alit ipun manut pamutus Bandesa Adate, tepekang ring pararem.

Pawos 36

Netes

1. Sang maseserep sane pacang netes pangrorodan patut masadok tui nunas panuntun ring Bandesa Adat. Bandesa Adat patut nureksa, natasang saserep punika. Jati tan jatine patut pernah wirang ring sang ngarorod.
2. Yan linggihnyane jati-jati pernah wirang, Kelian Banjar Adat patut digelis nganter saserep punika ka umah genah sang ngarorodang.
3. Sang masaserep patut tinut ring sapatuduh Kelian, ngenenin tata tetes pangarorodan luire:
 - ha. Ngranjing kaumah inucap, tan langkungan ring kalih diri
 - na. Tan kengin makta sanjata/gegawan;
 - ca. Tan kengin matingkah ngadug-adug kalih mabawos wakparusya/nantang.
4. Kelian/Bandesa Adat, patut midabdbabin mangda tata cara panetesane trepti. Pamekas ipun mangda anake istri sane marangkat jati-jati polih nerangang idepnyane mamargi saking bebas pisan, luire pidabdabe:
 - ha. Anake istri kagenahang ngraga, tan dados anak sewosan nampekin tur tinas ring inange;
 - na. I Kelian nyulurang, mangda sang masaserep polih mataken ring sang istri punika;
 - ca. I Kelian nyumakutayang, pamekas ring anake istri, yan pada arsa pangarorodane, sang masaserep pacang katulakang, yan saking papaksan sang keni bancana ngrauhang indike punika ring Guru Wisesa.
5. Yaning piwal utawi tan ninutin pidabdan anak alaki rabi inucap ring ajeng, patut kadanda, agung alit ipun manut pararem.
6. Prajuru-prajuru punika sane maka saksi-saksi patut tatas uning indik runtutanpamargin pawarangannya sane mabuat, upami babaktian tatadtadan jiwa sang pradana, miwah sane sewos-sewosan.
7. Kelian Banjar Adat ngunggahang pawarangan inucap ring ilikitannya tur nyiarang ring paruman banjare.

Palet

Indik Palas Marabian

Pawos 57

1. Pawiwahan prasida kawusang melarapan antuk palas utawi padem.
2. Wusan mapikuren riantukan salih tinunggil lampus (seda) mapiteges balu.

3. Sang palas marabi patut atur supekta pailikitan ring sang rumawos utawi Pengadilan Negeri wastu tinut apadang pamutus kabawos palas, lantur prajuru nyiarangkawentenang ring Desa/Banjar Adat.

Palet 3

Indik Sentana

Pawos 58

Pamerasan Sentana

1. Sinalih tunggil krama yan pacang ngidih sentana, patut masadok ring Kelian Banjar Pakraman, masengker sekirang-kirang ipun asasih sabanen dewasa pamerasan, sasampune polih pamutus saking Guru Wisesa.
2. Kelian Banjar inucap digelis ngawentenang sasiar ring Desa/Banjar Adat.
3. Sang rumasa tan cumpu ring pamerasan punika masengker sakirang-kirang ipun awuku (pitung rahina) sabanen dewasa pamerasan punika patut nunas babawos ring Bandesa Adat.
4. Bandesa Adat digelis mawosin tur ngicenin pamutus bawos, tepekang ring sastra mwah undang-undang.
5. Prade sulur pamerasannya tan manut sastra miwah dresta, Bandesa Adat patut ngandegang sang pacang makarya, saha ngicenin tuntunan mangda kapuputang rihinan bawose, sulur utawi wicarane.
6. Panglaksanane kapungkur anut ring pamutus inucap.
7. Yan sulur tata pamerasan sampun manut, Bandesa Adat ngicen pasayuban mangda upacara pamerasan saha widi widanannya sidha kalaksanayang.
8. Ring panumaya upacara pamerasane kamargiang, Kelian Desa/Banjar Adate patut nodia maka saksi.
9. Sawusan ngupakaranin, Kelian Banjar digelis nyuratang pamerasan inucap ring ilikitannya, miwah nyiarang ring pasangkepan banjare kapungkur.
10. Kelian Banjar nyaksi upacarane pamekas rikala ngunggahang ring ilikitannya, patut pastika wenten utawi tan wenten artha brana sakaluwire sane sinanggeh runtutan pamerasan pumka.
11. Prade wenten sane tan cumpu ring pamutus saking Bandesa Adat, indike punika katur ring Guru Wisesa.

Pawos 59

Sulur Treptining Pawongan, Ngenibasang Rare

1. Yan wenten krama madrewe putra, masengker 3 rahina saking putrane punika embas patut masadok ring Kelian Banjar Adat.
2. Kelian Banjar Adat ngunggahang sang embas punika ring ilikitan Banjar.
3. Yan wenten krama ngembasang putra buncing (sane istri mijil rihinan, sane lanang ungkuran), indike punika tan patut kabawos manak salah.
4. Sang kawentenannya kadi inucap ring ajeng, patut desannyane arsa prama-tulung.

Palet 4
Indik Warisan
Pawos 60

1. Desa Adat Bale Agung Kerambitan nitemn sinalih tunggil krama nyulurang waris
2. Indik waris, Desa Adat Bale Agung Kerambitan magegamel ring uger-uger jagat, nganutang ring drestan Desa, sastra agama, kapikukuh antuk pararem.
3. Sinaluli tunggil krama nyulurang pawarisan mangda masadok ring prajuru.
4. Sang piwal ring pidabdab desa, keni danda manut pararem.

SADTAS SARGAH WICARA LAN PAMIDANDA

Palet 1 Indik Wicara Pawos 61 Sulur Wicara

1. Sane wenang mawosin minakadi mutusang wicara ring DesalBanjar Adat luire:
2. Kelian Dinas, prade sang mawicara matunggilan Banjar, kasaksi olih prajuru Banjar Adat.
3. Pamutus Kelian Banjar marep ring wicara inucap ring ajeng (1) sinanggra wisesan ing babawos ring Banjar.

Pawos 62

1. Sane patut katitenin, sahanan pamargi nyapa krana sane manggeh duskreta, miwah ngaletihin Desa/Banjar Adat upami:
 - ha. Salah timpal (jadma masanggama ring wewalungan);
 - na. Gamia-gamana sane katelanjur ring lalintihan garis kenceng ngunggahang miwah nedunang sakaluire;
 - ca. Panguman-uman ring saba miwah kahyangan;
 - ra. Sahanan sinanggeh ngaletihin manut panampen Agama Hindu;
 - ka. Krama adat sane ketara nyolong samara
 - da. Mamunyah/mabuk ring margi lan kahyangan.
2. Sang sane malaksana ring ajeng patut ngaturang yadnya pamarisudha bumi ring natar Kahyangan Bale Agung, kasaksi olih prajuru adat.

Pawos 63

Mamutus Wicara

1. Sahananing wicara sane karauhang ring prajuru miwah sinanggeh nungkasin daging awig-awig, paswara-paswara, miwah pararem Desa/Banjar Adat patut gelis kabawosin.
2. Sajaba wicara kadi ring ajeng, patut nyantosin pasadok sang nunas bawos.
3. Sahananing wicara patut katepasinjantos pastikajanten iwang patut ipun, malarapan antuk agem-ageman tri pramana (bukti, saksi, ilikita), pamutuse tan maren nepek ring catur dresta (sastra, purwa, loka miwah desa dresta) saha madasar antuk dharmatula, nyudiang lokika sanggraha.
4. Sahanan pamutus, tan maren ngupadi/ngulati:
 - ha. Mangda krama DesalBanjar Pakraman sayan pastika uning ring wewatesan iwang patute.
 - na. Mangda sang kawon uning ring kaiwangan deweknyane,
 - ca. Sang molih tan maren kaedih, mangda sampun baas nginggilang kapatutainnya, mangda lila ngampurayang sang sisip;

- ra. Nyapsap bibit-bibit papinehe mameseh-mesehan.
5. Prade wenten wong Desa/Banjar Adat piwal ring putusan Kelian Desa/Banjar Pakraman, bilih-bilih yen punika sinanggeh ngawinang duskretan Desa/Banjar Pakraman, patut Kelian Desa/Banjar Adat, nunasang pamuput ring sang rumawos.
 6. Wong Desa/Banjar Adat sane tan cumpu ring pamutus Kelian Desa/Banjar Pakraman wenang nunas bebandingan ring Pemerintah.

Palet 2

Indik Pamidanda

Pawos 64

Niwakang Pamidanda

1. Desa/Banjar Adat, wenang niwakang pamidanda ring I krama Desa/Banjar Pakraman sane sisip.
2. Paniwak danda inucap kalaksanayang olih Kelian Banjar nunggal-nunggal manut dadudonan.
3. Bacakan pamidanda luire:
 - ha. Ayahan panuhun kasisipan;
 - na. Danda artha;
 - ca. Panikel urunan utawi dedandan;
 - ra. Upakara pangaskara;
 - ka. Kanorayang/kauwusang makrama.
4. Pamidanda sane katiwakang, patut manut ring awig-awig, paswara-paswara/ pararem, utawi dresta miwah agama, tur adung ring kasisipan.
5. Agung alit pamidanda sane katiwakang patut masor singgih manut kasisipan.
6. Jinah utawi raja-brana pamidandane ngranjing dados druwen Desa/Banjar Adat manut dadudonan.

Pawos 65

Ngrampag

1. Krarna sane langkungan ring tigang sasih suennyane amandel urunan, dedandan, wenang karampag (manut pararem), sasampunne polih lalugrahan saking Guru Wisesa.
2. Tata caraning ngarampag, kalaksanayang kadi ring sor:
 - ha. Kalaksanayang olih Kelian Banjar, kasarengin olih krama pinaka saksi sa-akehe tigang din;
 - na. Sang ngrampag majalaran saking rahayu ngambil barang-barang rerampagannyane, utawinnya winih tanem tuwuh sane mapangarga manut agengalit utang krama punika;
 - ca. Sang karampag tan dados ngalangin sang ngarampag, saha tan maren sareng nyaksinin rerampage;

- ra. Bandesa Adat miteketang mangda barang-barang rerampagane punika digelis katebus, olih sang maderbe masengker 7 rahina, rerampagane punika pacang kalelangan,
- ka. Prade jinah panumbasan rerampagane sane kalelangan punika langkungan ring pupulan utang sang karampag, jinah kalebihan punika patut kaserahang ring sang madrewe barang.

Pawos66

Nyulurang Indik Ngrampag

1. Rerampagane kasengkerin mangda sampun jantos:
 - ha. Ngrampag saluir barang-barang sane patut kainggilang ring indik agama, miwah dresta;
 - ha. Mucahang usaha pangupajiwa sang karampag.
2. Prade sang karampag marasa tan cumpu nyerahang padrewennyakarampag, kengin nunas pamuput ring sang rumawos, masengker 3 rahina saking ngawite karampag.

Pawos 67

Wenang Tan Wenang Karampag

1. Sane kengin karampag luire:
 - ha. Ingon-ingon suku kalih;
 - na. Ingon-ingon suku pat sajawaning banteng, kebo, misa lan kuda;
 - ca. Prabot-prabot ring pumahan, sajawaning prabot paon, prabot ka carik/tegal miwah prabot maka piranti usaha ngrereh pangupajiwa;
 - ra. Tanem tuwuh,
 - ka. Sadurung nglaksanayang rerampagan, patut atur upeksa tur nunas lalugrahan ring Guru Wisesa.

**SAPTAMAS SARGAH
NGUWAH-NGUWUHIN AWIG-A WIG**

Pawos 68

1. Nguwah-nguwuhin awig-awig puniki kemargiang antuk paruman Desa.
2. Paruman inucap mangda kadasarin antuk pakarsan Krama Desa.
3. Pamutus bawos mangda kadasarin antuk segilik seguluk utawi perarem.

Pawos 69

1. Paruman indik nguwah-nguwuluin awig-awig kadi ring ajeng, kamedalang olih Bandesa Adat, Kelian, Krama, yadiastun niri-niri miwah sinarengan.

ASTAMAS SARGAH PAMUPUT

Pawos 70

1. Awig-awig puniki kewastanin Awig-Awig Desa Adat Bale Agung Kerambitan.
2. Awig-awig puniki kamargiang ngawit kararemin.

Pawos 71

1. Sakaluiring sane wenten sederengnya patut keanutang ring sadaging awig-awig puniki.
2. Sakaluiring sane durung kebawos sajeroning awig-awig puniki patut kalaksanayang manut tata cara sane sampun ketah mamargi kadulurin antuk pararem-pararem.

Pawos 72

1. Awig-awig puniki kararemin duk rahina:
2. Wraspati Pon wuku Wariga tanggal ping 14 sasih Kenem I Caka 1913, tanggal masehi 21 Nopember 1991 ring Panataran Pura Puseh Adat Bale Agung Kerambitan.
3. Bandesa Adat rikala ngamargiang daging awig-awig, muah usaha desa, patuttan maren:
 - ha. Saelonan utawi mamiarsa ring sahanan prayogane sane taler ngawiwenang wong desa inucap,
 - na. Ngawentenang galah pangala-desa, mangda wong desane polih ngupadi pangupa jiwa, ngincepang pangaweruh miwah usaha niri-niri sewosan.
4. Awig-awig puniki kalingga tanganin olih Bandesa Adat maka cihnan pamutusannya.
5. Sajaba Lingga tangan kadi inucap ring ajeng (2) taler kesaksinin olih:
 - ha. Prabekel (Kepala Desa) Kerambitan, Batunti, Kukuh;
 - na. Camat Kerambitan;
 - ca. Parisadha Hindu Dharma Kecamatan Kerambitan;
 - ra. Parisadha Hindu Dharma lan Kantor Departemen Agama Kabupaten Tabanan;
 - ka. Badan Pelaksana Pembina Lembaga Adat Kabupaten Tabanan.
6. Makamiwah Bupati Tabanan, maka murda pamikukuh.
7. Malarapan antuk sampun kacaremin daging Awig-awig Desa Adat Bale Agung Kerambitan puruki, gumanti kapastika manggeh kalaksanayang sane kararemin duk rahina Soma Pon Sinta, Pangelong ping 14 sasih Sadha, caka 1907, tanggal Masehi 10 Juni 1985, kasinahang kapralina, tan manggeh malih kalaksanayang.

LEPITAN

Pararem

PARAREM DESA ADAT BALE AGUNG KERAMBITAN (REVISI 2016)

Pawos 1	Aran lan wewidangan
Pawos 2	Wates Desa Adat
Pawos 3	Sowang-sowang Banjar Adat patut madruwe pararem nanging daging pararem punika tan lempas ring Awig-awig Desa Adat.
Pawos 4	Dasar sane kamanggehang
Pawos 5	Patitis Desa Adat
Pawos 6	Indik Krama
Pawos 7	Kalih pawos krama desa
Pawos 8	Ngawit dados karma desa. Kaluarga sane ma-Agama Hindu wit saking warga desa sewosan prade pacing jenek pumahan patut ngranjing makrama desa/banjar adat tur patut naur pamogpog manut awig/pararem Banjar adat soang-soang nenten malih keni ring Desa Adat Bale Agung Kerambitan.
Pawos 9	Ayahan Desa /Banjar 9.5 Prajuru Adat punika sami luput saking urunan aci lan wewangunan.
Pawos 10	Swadarmaning Krama Desa. Yan tan manut ring daging Awig-awig Desa Adat keni danda 20% saking patut ipun keni jinah tur kapesadokang ring paparuman Banjar Pakraman.
Pawos 11	Pasayuban/Pengayoman Desa manut dresta. ca. Pamogpog/pangampel ayahan Desa Adat wantah keni ring Banjar Pakraman, kewannten manut awig/pararem Banjar soang-soang saban 6 sasih.
Pawos 12	Wusan makrama desa/banjar.
Pawos 13	IndikPrajuru.
Pawos 14	Ngentosin Prajuru
Pawos 15	Swdharman Bandesa/Kelian Adat.
Pawos 16	Olih-olihan prajuru.
Pawos 17	Indik paruman
Pawos 18	Tataning paparuman
Pawos 19	Paruman Prajuru.
Pawos 20	Indik kulkul
Pawos 21	Indik deruwen desa
Pawos 22	Indik karang, wates miwah sane sewosan.
Pawos 23	Tatacara nyulurang karang
Pawos 24	Indik ngaletihin karang

- Pawos 25 Indik ngentasang sawa.
- Pawos 26 Indik padem ring pakarangan anak lian.
- Pawos 27 Nyulurang wawalungan.
27.3 Prade wenten wawalungan ngeleb, ngaranjing ka pakarangan anaklianan tur ngarusakin, sang maduwe wawalungan keni danda manutpangargan karusakane.
- Pawos 28 1. Prade wenten wawalungan ngeleb, ngaranjing ka Pura/Kahyangan, sangmadruwe wawalungan kasisipang antuk prabiyanupakara pamarisudasapatute. Agung alit upakara manut pamastika smreti agama Hindu saha kapikukuh antuk Pamangku.
- Pawos 29 Indik dusta
- Pawos 30 Indik baya
- Pawos 31 Tataning maseserep.
- Pawos 32 Panyangran Desa/Banjar pakaryan warka karma.
- Pawos 33 Indik yadnya.
- Pawos 34 3. Prabeyan upakara ngawentenang pawintenan marep ring Pamangku/Panyade kamedalin olih warga Desa Adat gumanti puput.
4. Prabeyan upakara pitra yadnya marep ring Pamangku/Panyade inucap ringajeng rikala twi padem sejawaning kecawisang olih keluargannyane talerwenten punia saking Desa Adat marupa jinah Rp. 5.000.000,- (*limang juta rupiah*), miwah kain putih agulung/apis. Yening opname ring rumah sakit wenten dana manut parembug Prajuru Desa Adat.
- Pawos 35 Swadharma Pemangku/Penyade
- Pawos 36 Olih-olihan Pemangku
Sarin canang sadina-dina sami kabukti olih Pamangku.
Sarin canang odalan ring pura kepah sakadi puniki:
ha. Odalan ring pura Puseh, Bale Agung: 2/3 bagian olihan Jro Mangku Puseh, Bale Agung Ian Juru sunggi; 1/3 bagian olihan Prajuru Adat.
na. Odalan ring pura Dalem Ian Prajapati:
1/3 bagian olihan Jro Mangku
1/3 bagian olihan Prajuru Adat,
1/3 bagian olihan Desa Adat.
- Pawos 37 Kasukerta Kahyangan
9. Prade tan wenten katinutin, utawi mamurug larangan-larangan inucap ringajeng wenang kasisipang pamidandania manut pararem (parembug)Pamangku miwah Prajuru Adat anutang taler ring kecap aksara agama.
- Pawos 38 Katitiban Khayangan, Pura Panti, Pamaksan, Sanggah Pumahan
- Pawos 39 Indik Mapudgala
- Pawos 40 Nitenin indik sang sampun mapudgala
- Pawos 41 Nitenin indik pamargin yadnya
- Pawos 42 Muput yadnya

- Pawos 43 Kalebubangan (kematian)
- Pawos 44 Indik mendemi ngeserig sawa
- Pawos 45 Sawa wong rare during tumbuh untu, durung tigang sasih (105 dina) patut kapendem pramangke tan ngetang larangan dewasa.
- Pawos 46 3. Larangan atiwa-tiwa mendem:
Pamelaspasan/piodalan ring Khayangan Tiga (Panyungsungan Desa), Pura Puseh, Dalem, Baleagung, Prajapati. Nemonin Anggara Kasih, Buda Kliwon, Tumpek lan Pumama, Tilem Nemonin rahina Gumi, minakadi Sugihan, Galungan, Kuningan, Saraswati, Pagerwesi, Nyepi, Siwalatri. Kala Gotongan, Semut Sadulur, Ngepuanan taler tan dados atiwa-tiwa/mendem, Was Penganten sa wuku. Ring dina Redite lan Saniscara sajeroning wuku, Was Penganten nenten pisan kadadosang atiwa-tiwa/mendem. Yan mamurugng laksanayang atiwa-tiwa/mendem ring dina Soma, Anggara, Buda, Wraspati, Sukra patut macaru dumun sadurung nedunang layon utawisadurung mendem sawa antuk caru ayam brumbun utawi caru bebek bulusikep maolah genep dados 33 tanding.
- Pawos 47 Pawos 47. Indik upakara lan nyangggra atiwa-tiwa/ngaben
- Pawos 48 Indik pananjung batu.
Prade nenten sawa sane pacang kapendem/ngaben ring setra boya sawan warga Desa Adat Bale Agung Kerambitan sang madue sawa (sanengawakin) punika patut nawur pananjung batu: ngaben Rp 500.000,- (*limangatus tali rupiah*); mendem: Rp 125.000,- (*satus selae tali rupiah*). Pradesaking lian desa matempunng ngaben (ngerit) keni penanjung batu Rp 125.000,- (*satus selae tali rupiah*). Warga Kerambitan sane ten mungguh ring cacakan Desa Pekraman Bale Agung pet padem ngangge setra Bale Agung Kerambitan keni penanjung batu Rp 125.000,- (*satus selae tail rupiah*). Makingsan di pertiwi/makingsan di geni durung manggeh sajeroning atiwa-tiwa. Wusan mendem liwat 3 rahina sang maduwe pendeman patut mersihin setra utawi nawur Rp 10.000,- (*dasa tali rupiah*) ring Kelian Adat raris IKelian Adat ngrereh buruh jagi mabersih. Sapunika taler wusan ngaben sang mayadnya patut mersihin setra utawi nawur Rp 20.000,- (*duang dasa tali rupiah*) laksanane pateh ring ajeng. Pengampak lawang/kori Rp 50.000,- (*seket tali rupiah*) soang-soang Pura. Sane keni warga lian ring Desa Pekraman Bale Agung Kerambitan. Manusa Yadnya, Buta Yadnya, Upacara Tawur, Brata Panyepian, Indik Pawiwahan, Ngambil/kaambil. Panyaksi Adat sajeroning Bale Agung Rp.15.000,- (*limolas tali rupiah*); Panyaksi Kelian Desa Rp. 25.000,- (*selae tali rupiah*).
- Pawos 49
- Pawos 50
- Pawos 51
- Pawos 52
- Pawos 53

- Pawos 54 Sah alaki rabi.
Pawiwahan punika sampun sah secara Adat Hindu yan sampu mawidi widana
manut upacar agama Hindu (makala-kalan/ matanjung sambuk)
- Pawos 55 Indik ngrorod/Ngarangkat
- Pawos 56 Netes anak Ngrorod
Yening wenten anak ngrorod tan manut ring pidabdab anak alaki rabi kadi
inucap ring awig Adat patut kasadok ring guru wisesa.
Kramane sane nampi rorodan yening sasuron ring corab/sareng misakayang
taler taler kasadokang ring guru wisesa
- Pawos 57 Indik palas marabi
- Pawos 58 Indik sentana/pamerasan.
- Pawos 59 Indik ngembasang putra.
- Pawos 60 Indik warisan
- Pawos 61 Indik wicara
- Pawos 62 Pari laksana karma sane ngaletihin desa.
- Pawos 63 Indik pamutus wicara
- Pawos 64 Indik niwakang pamidanda.
- Pawos 65 Indik ngrampag.
- Pawos 66 Nyulurang indik ngrampag.
- Pawos 67 Indik wenang tan wenang karampag.
- Pawos 68 Indik nguwah-nguwuhin awig-awig.
- Pawos 69 Indik paruman nguwah-nguwuhin awig-awig.
- Pawos 70 Indik pamuput
- Pawos 71 Indik pamuput.pamargin karma mangda manut awig-awig.
- Pawos 72 Awig-awig puniki ngawit kelaksanayang.

Tim Revisi

TIM REVISI AWIG DESA ADAT BALE AGUNG KERAMBITAN

Penasehat :

1. Camat Kerambitan
2. Ketua PHDI Kecamatan Kerambitan
3. Ketua Majelis Alit Desa Adat Kecamatan Kerambitan
4. Jejeneng Desa Adat Bale Agung Kerambitan
5. Murdaning Pangajeg Desa Adat Bale Agung Kerambitan
6. Anak Agung Ngurah Putu Mahendra (Kedatuan Aseman)

Ketua I : Drs. AA. Rai Budi Utama (Bandesa Adat)
 Ketua II : I Wayan Widastra, S.Pd, M.Pd. (Baturiti)
 Sekretaris I : A. A. Rai Suteja, S.Pd. (Bendahara Adat)
 Sekretaris II : Drs. I Wayan Sudania, M.Ag. (Kukuh)
 Bendahara I : I Nyoman Harsana (Kepala LPD)
 Bendahara II : I Ketut Kartika (Bendahara Adat)

Perumus:

1. Ir. A. A. Ngr. Made Adnyapraba (Tengah)
2. Drs. I. B. Nyoman Hariarsa, M.Pd.H (Tengah)
3. A. A. Ngr. Bagus Priyadhai-ma, SH (Wani)
4. A. A. Mayun Mahardika (Wani)
5. I. B. Kayan Raka (Kedampal)
6. Drs. I Ketut Rojiawan (Mundukcatu)
7. I Made Nyandra, S.Pd. (Baturiti)
8. Drs. I Made Widiartha (Kukuh)
9. A. A. Gede Sudiarsa, SE (Kedampal)
10. I Wayan Bebet, S.Pd. (Wani)

Panureksa:

1. Ida Rsi Agung
2. Ida Pandita Mpu Tri Dasa Nata (Kukuh)
3. Mangku Pura Ulun Siwi
4. Mangku Pura Puseh
5. Mangku Pura Dalem
6. Mangku Pura Prajapati
7. Mangku Pura Sabha Kukuh
8. Mangku Pura Taman Amertha Baturiti
9. Mangku Pura Saren Gong Tengah
10. Mangku Pura Saren Gong Wani
11. Mangku Pura Saren Gong Pekandelan
12. Mangku Pura Saren Gong Kedampal
13. Keljan Adat Kukuh
14. Kelian Adat Baturiti
15. Kelian Adat Tengah

16. Kelian Adat Wani
17. I Putu Surata (Tengah)
18. Ir. I Wayan Berata Duarsa, SE, S.Ag. (Wani)
19. Drh. I Nyoman Adnyana (Tengah)
20. I Nyoman Wirya, BA (Kukuh)
21. I Made Suryana, SE (Baturiti)
22. I Wayan Sumerta, S.Pd. (Pekandelan)

Mengetahui
Murdaning Pangajeg,

Kerambitan, 2 Januari 2015
Ketua Tim,

Drs.A.ANurah Rai Gin Gunadhi

Drs. A. A. Rai Budi Utama

Menetapkan
Jenjang Desa Adat Bale Agung Kerambitan

A. A. Ngurah Ketut Dharmaputra, SH.

Pangejeg

**DESA PAKRANIAN BALE AGUNG KERAMBITAN
PANGAJEG WARSA 2013-2018**

Murdaning Pangajeg	: Drs. A. A. Ngr. Rai Giri Gunadhi (Puri Anyar)
Pamade I	: Ir. A. A. Ngr. Made Adnyapraba (Puri Agung)
Pamade II	: A. A. Ngr. Putu Mahendra (Kedatuan Aseman)
Panyarikan	: I Wayan Widastra, S.Pd. M.Pd. (Baturiti)
Angga	:
	1. I Made Mundra (Baturiti)
	2. I Ketut Sugama, S.Pd. (Baturiti)
	3. Drs. I Ketut Rojiawan (Baturiti)
	4. Drs. I Wayan Arsana, M.Pd. (Kukuh)
	5. Drs. I Wayan Sudania, M.Ag (Kukuh)
	6. I Nyoman Wirya, S.Sos (Kukuh)
	7. I Wayan Ritib (Kukuh)
	8. Drs. I. B. Nyoman Hariarsa, M.Pd.H (Tengah)
	9. I Wayan Sueni, S.Pd. (Tengah)
	10. I Putu Surata (Tengah)
	11. A. A. Nyoman Langa. (Tengah)
	12. A. A. Mayun Mahardika (Wani)
	13. Ir. I Wayan Berata Duarsa, SE, S.Ag. (Wani)
	14. Ida Kade Raka (Wani)
	15. I Wayan Bebet, S.Pd. (Wani)


Kakukuhang Olih
Jajeneng Desa Adat Bale Agung
Kerambitan

Kerambitan, 2 Januari 2015
Bandesa Adat Bale Agung
Kerambitan

A. A. Ngurah Ketut Dharmaputra. SH

Drs.A. A. Rai Rudi Utama

Struktur Desa Adat

STRUKTUR ORGANISASI DESA ADAT**BALE AGUNG KERAMBITAN**

Keterangan :

————— Garis Komando
 ————— Garis Koordinasi

Jejeneng : Pemutus
 Pemangku : Pelaksana Aci
 Pangajeg : Pengendali, Pemikir, Pelestari, Inovator
 Bandesa : Pelaksana ring tingkat Desa Adat
 Kelian : Pelaksana ring tingkat Banjar Adat